



大清穆宗繼天開運受中居正保大定功聖智誠孝信敏恭寬
毅皇帝實錄卷之二百九十一

同治九年庚午九月己卯諭軍機大臣等前據福濟等奏察
哈爾馬隊已咨照綏遠城等處暫行停調惟匪蹤飄忽靡常
請飭張廷岳帶領蒙兵並綏遠城等處馬隊統歸調遣堵擊
當諭令福濟等與張廷岳會商應否調撥此項馬隊酌量具
奏茲據文盛等奏擬將馬隊一千名遣撤歸旗並擬挑選精
壯五百名由各旗總管等勤加操練以備調遣等語卽著照
所擬辦理至張廷岳帶兵進剿應否需用馬隊俟福濟等覆
奏到日再降諭旨文盛等仍當飭令各旗官兵認真訓練一

面隨時偵探。遇有匪蹤。卽行派兵截勦。毋稍鬆懈。將此由四百里各諭令知之。○又諭文麟、景廉奏請飭催欠解糧價銀兩。並飭撥新疆協餉各摺片。前因哈密採辦糧石。當經諭令山東撥銀十萬兩解交應用。茲據文麟等奏稱。該省僅解到銀一萬五千兩。業已撥還前欠糧價等款。現在需餉甚亟。請旨飭催等語。著丁寶楨飭令藩司將山東欠解哈密糧價銀八萬五千兩。迅速如數籌撥。解交烏里雅蘇台將軍衙門收存。由文麟等派員迎提。以濟要需。安西沙州靖逆各營需餉甚亟。並著福濟、榮全、錦丕勒多爾濟於新疆協餉內撥銀二萬兩俾資接濟。文麟、景廉俟接准福濟等咨會時。卽遴派妥

員領解回哈。分撥安西等營應用。並將分撥數目咨明甘肅藩司歸入各該營兵餉項下報部覈銷。以清款目。將此由五百里各諭令知之。○庚辰駐藏大臣恩麟等覆陳巴塘地震情形。現在籌辦賑恤。報聞。○以西藏哈拉烏蘇勦辦野番出力。予員外郎恩承以知府用。並賞花翎。縣丞何炳焜等藍翎。餘升敘有差。○辛巳諭軍機大臣等。曾國藩奏遵旨赴任兩江。懇請陞見。並請將主事陳蘭彬帶至江南。暨續獲正犯范泳。擬卽換釋穆巴各摺片。穆巴一犯。證佐既未的確。何以前奏遽擬死罪。著卽日釋放。以重人命。其續獲之范泳。既屬供證確鑿。為放火燒房正兇。著照該督等所請。歸案正法。曾國

藩接奉此旨。卽著將應辦各事。懍遵。九月十五日諭旨。迅速辦理。毋再稽遲。曾國藩卽著來京陛見。該督起身後。李鴻章著仍駐天津。勿遽回省。務將彈壓撫綏各事宜妥為籌辦。俟津郡中外諸事大定。再行請旨。主事陳蘭彬著准由曾國藩帶往江南差遣委用。將此由六百里各諭令知之。○壬午。遣官祭

都城隍之神。○諭軍機大臣等。金順奏回匪竄擾西山歸德溝等處。分隊勦辦獲勝一摺。陝回賊首張志沅等。糾眾竄至西山邊之歸德溝一帶。南北回堡潛出賊騎附合。意圖阻劫糧道。經托雲佈等督軍進勦。賊遂大潰。該匪情急反噬。再戰

於空湖拉地方。復經我軍殺斃百餘名。敗匪越嶺而遁。著金順會商張曜。督飭派出各軍。將逃匿餘匪。搜捕淨盡。務絕根株。蘇逆受傷衝散。是否殲斃。著查明實在下落。毋任漏網。南北兩路回堡。見大礮陸續到營。益懷疑懼。糾黨拌死竄突。自在意中。金順務當與張曜悉心籌畫。嚴密布置。一俟礮位運齊。卽著實力進攻。迅殲醜類。王家疇莊賊匪。前曾乞撫。恐不可恃。現在籌辦情形。並著隨時奏聞。將此由六百里諭令知之。○又諭。金順奏天津解到洋槍火藥等項。不敷攻勦。暨江蘇撥解銅礮配帶炸子等件。亦不敷用。請飭均由江蘇製辦配解等語。著丁日昌飭令上海製造局。趕緊製辦洋槍二千

寶錄卷一百一十一
三
桿配帶什物洋槍藥二萬磅大銅帽二百萬粒趕由海道解
赴天津或取道山西包頭鎮由該署將軍派員提解並飭局
造辦二十四磅炸子五千粒各配帶木引心暨洋礮三楞藥
五千磅解赴天津交金順委員提解赴甯夏軍營以資攻勦
將此由五百里諭令知之○又諭前因金順轉運軍糧需用
駝隻當經諭令理藩院飭令喀爾喀各盟籌備駝三千隻解
交應用茲據金順奏稱接准張廷岳等咨該兩盟因地方受
災僅解駝一百隻其餘無可籌撥請飭如數撥解等語金順
軍營需用駝隻刻不可緩亟應迅速籌備惟前據定安奏已
於李鴻章所撥駝隻內分撥金順張曜軍營各二百五十隻

現喀爾喀籌解駝隻自可量為酌減著金順斟酌情形覈定
數目即行知照張廷岳等籌解備用張廷岳阿爾塔什達於
接到金順咨會時務當趕緊如數籌撥不得再有推諉致誤
要需將此由五百里各諭令知之○又諭劉嶽昭岑毓英奏
官軍攻克澂江城外賊巢一摺澂江府城踞逆於城外分築
土城石礮負隅抗拒經岑毓英親督各軍進勦疊將西山村
西街子及上下左所等處賊巢攻破附城四面賊營一律毀
平勦辦甚為得手現在僅餘孤城外援已絕釜底游魂諒難
久延殘喘岑毓英現已回省辦理闡務澂江既經合圍斷不
可稍涉鬆勁著劉嶽昭岑毓英飭令岑毓寶等合力圍攻迅

圖克復。將此由五百里各諭令知之。○予雲南澂江陣亡都司袁亮等祭葬世職加等。○癸未。諭內閣。前因奉天旗員興奎與民婦張王氏互控一案。經盛京刑部侍郎瑞聯等兩次訊結。並張翰之妻張王氏在逃未獲。降旨令步軍統領等衙門嚴拏歸案懲辦。茲據都察院奏。張翰之妻張王氏。並張甲之妻張王氏等。在該衙門呈訴冤抑各情。難保非捏詞逞刁。希圖翻案。抑或另有別情。著該部即將張王氏等解往奉天。歸案審辦。以成信讞。○諭軍機大臣等。前因德英奏墊發奉調官兵整裝銀兩。請飭撥款歸還。當交戶部速議具奏。茲據奏稱。黑龍江調赴古北口馬隊官兵一千名。既據德英覈明

整裝銀二萬三千五百九兩零。先行籌墊。擬在河南驛站存贖項下撥還等語。著李鶴年按照戶部所擬。即在河南驛站存贖項下撥銀二萬三千五百九兩零。遴派妥員解赴盛京戶部交納。一面將報解日期知照德英。派員赴奉守領。額勒和布於此項銀兩到日。暫為收存。俟黑龍江委員到奉。即發交領解回省。並著德英將此次給過整裝銀兩。俟凱撤後。即於各該官兵應領俸餉銀內如數扣還。以清款目。將此由四百里各諭令知之。○甲申。遣官祭

歷代帝王廟。○諭內閣。富明阿等奏。查出軍營無著官兵各缺。請由原旗揀放一摺。各省節年徵調吉林官兵傷亡病故

各遺缺。現經富明阿等查明各路軍營實有吉林官兵二千六百十二員名。覈與通省現在軍營實數計無著防禦二員。雲騎尉一員。兵缺六百六十三分。此項空缺既係軍營存營兩無著落。額缺豈可久懸。卽著照該將軍等所擬。准其由吉林原旗按缺揀補。以昭覈實而免懸曠。○又諭富明阿奏。舊病增劇。懇准開缺回旗一摺。吉林將軍富明阿。自道光年間。由馬甲從征喀什噶爾。隨後轉戰江南河南等處。戰功卓著。歷任甯古塔副都統。江甯將軍。皆資得力。因勦賊受傷兩次。奏請開缺。均經恩准。並賞食全俸。俾資調理。旋於同治五年間。命補授吉林將軍。督勦馬賊。自抵任以來。於整頓地方。按

捕賊匪各事宜。辦理悉臻妥協。茲因傷病復發。懇請開缺回旗。覽奏情詞懇切。出於至誠。自當俯如所請。富明阿著准其開缺回旗調理。仍准在旗支食將軍全俸。所有任內革職留任處分。均著加恩寬免。應扣未繳俸銀。一併免其扣交。以示體恤。○諭軍機大臣等。前據伯彥訥謨祜奏請調馬隊以備不虞。當諭理藩院傳知東三盟各調馬隊一千名。並調吉林黑龍江馬隊均赴古北口一帶駐紮。茲據李鴻章奏稱。酌度時勢。古北口一帶不必駐紮重兵。擬請撤回以節餉需等語。此項馬隊全數到口。籌撥餉項甚鉅。現既酌度情形。無需兵力。卽著照李鴻章所請。所有前調東三盟馬隊著全數撤回。

並著理藩院傳知該盟蒙古王公迅將各隊撤回游牧仍隨時操練以備征調其吉林黑龍江馬隊共三千名據富明阿毓福德英先後奏報起程因思神機營每年本有調撥該處官兵更換操防之事此項官兵是否就近調換著神機營王大臣酌議具奏該官兵已否全抵古北口著李鴻章庫克吉泰飭令暫行駐紮聽候諭旨應需餉項仍著庫克吉泰覈實支放將此諭知神機營理藩院伯彥訥謨祜並由五百里諭令李鴻章富明阿德英庫克吉泰毓福知之○又諭陝甘回匪滋事以來朝廷軫念西陲大申捷伐特命左宗棠為欽差大臣督兵勦賊厚集兵力寬予限期計每歲撥用餉銀

不下八百餘萬兩該大臣於行軍籌餉事宜有所陳奏無不立見施行倚畀不為不重乃自抵甘以後雖據疊報勝仗總未能痛掃賊氛致金積堡一隅之地至今日久未下逆首稽誅軍務安有了期竭東南數省脂膏以供西征軍實似此年復一年費此鉅帑豈能日久支持該大臣捫心自問其何以對朝廷即著左宗棠振刷精神嚴檄各軍實力勦辦該大臣前奏金積堡賊勢已蹙似不日即可攻克北路肅清後河狄一帶賊蹤亦宜以次殲除務當剋期歲事毋得再事遷延致干咎戾將此由六百里諭令知之○以詹事府少詹事錢寶廉為內閣學士兼禮部侍郎銜○乙酉諭內閣文祥奏病體

未痊。力難兼顧。懇請開除緊要差使一摺。文祥管理事務較多。現在病體未痊。兼顧為難。自應量予體恤。著無庸管理。理藩院國子監及嚮導處事務。並開去對引大臣閱兵大臣各差使。以節勞勩。○諭軍機大臣等。前據總理各國事務衙門奏貴州教案未結。當諭崇實折回遵義籌辦。總須民教兩面各無異詞。實有完案確據。方不至再滋口實。茲據崇實奏。議結遵義教案。新定善後章程十二條。士民均皆悅服。自願出具聽從設堂行教彼此相安甘結等語。惟所稱出具甘結。僅係中國士民。至教士是否帖服。曾否會同出具甘結。未據崇實奏及。雖稱所議條規。於教士並無牽礙。終屬一面之詞。著

崇實懍遵前旨。迅將民教兩面切實議結。如該教士尚未帖服。出具甘結。不得遽謂完案。仍須折回遵義趕緊妥辦。以免另生枝節。其楊希伯等應得罪名。卽著知照曾璧光歸案定擬具奏。將此由五百里諭令知之。○以錦州副都統奕榕署吉林將軍。錦州協領古尼音布署副都統。○實授吉林副都統德英黑龍江將軍。正黃旗護軍參領毓福吉林副都統。○丙戌。諭軍機大臣等。左宗棠。穆圖善奏。西路官軍勦匪獲勝一摺。甘肅西路回匪。分竄鎮番武威各屬。經韓廷芝。王仁和等帶兵截勦。將紅柳窩紅牆兒等處賊匪擊敗。柳林湖雙城堡等處之賊。聞風逃竄。其阿干鎮附近。亦有回匪圍攻民堡。

復經周惟翔帶隊擊退。現在大兵由南路進勦河州。逆匪乘西路空虛。伺間紛竄。肆行搶掠。意圖牽我兵力。左宗棠穆圖善仍當飭令該處防軍。隨時探蹤截勦。毋任竄突。穆圖善另摺奏。請帶馬隊馳赴近畿等語。現在天津之事業經辦結。畿輔兵力足資拱衛。該將軍駐紮蘭州。籌辦防勦。亦關緊要。務當與左宗棠隨時會商。共維大局。所請帶兵來京之處。著毋庸議。前疊諭左宗棠將成祿一軍應否撤回。酌覈奏聞。該大臣何以久不覆奏。殊不可解。本日據成祿奏。現擬拔營西進。並請募勇撥糧。捐辦駝隻。籌辦屯田。隨帶竇型出關各摺片。該提督頓兵日久。忽為此鋪張揚厲之舉。事之可行與否。恐

未必能通盤籌畫。著左宗棠懍遵疊次諭旨。將成祿一軍應否撤回。並該提督此次所陳各情。一併酌覈迅速覆奏。不得再有遲延。成祿摺一件。片五件。均著鈔給左宗棠閱看。將此由六百里各諭令知之。○又諭成祿奏。拔營西進。並籌辦屯田。調募勇隊。請飭蒙古捐辦駝隻。關外州縣運解倉糧。隨帶竇型出關。及請頒發關防各摺片。前因成祿奏該營餉需缺乏。當經諭令暫緩前進。聽候諭旨。現在該提督已於八月二十日起程。惟該提督一經出關。道路愈遠。籌餉愈難。著成祿仍遵前諭。無論行抵何處。卽於關內地方。擇要暫行駐紮。候旨遵行。肅州一帶伏莽尚多。關內地方尤關緊要。著成祿統

率所部將來往匪徒實力按捕務絕根株該提督所用木質關防現已模糊卽著另行刊刻木質關防以昭信守將此由六百里諭令知之○以大學士官文為閱兵大臣並管國子監事工部尚書存誠管理藩院事○以解餉遲延革甘肅軍營副都統色楞泰職仍留營○予甘肅高臺陣亡把總仲瑞林等祭葬世職○丁亥諭內閣武備院奏礮庫被竊一摺據稱該庫司員等於本月二十二日赴庫時見庫門封皮撕去門鎖俱開查點庫內失去大銅礮二箇小銅礮四箇礮車六輛等語庫儲重地應如何嚴密看守乃任令匪犯肆行偷竊實屬不成事體著步軍統領衙門趕緊將此案賊犯悉數嚴

拏懲辦並著兩翼前鋒營護軍營大臣將疏於防範之直班官兵訊明辦理其管庫員外郎恆山失於覺察著交內務府照例議處○又諭英元喬松年奏修築插壩各工完竣請旨驗收一摺通州修築裏河插壩及挑濬溫榆河各工經英元等督飭該道廳等辦理完竣卽著該侍郎等詳細驗收所有此項工程動用銀兩免其造冊報銷○諭軍機大臣等奎昌奏查勘塔城界址牌博完竣並現籌辦理情形各摺片俄國與塔城分界處所建立牌博現經奎昌會同俄官續行查明自察漢鄂博起至哈巴爾阿蘇山嶺止共立牌博六處連前所立四處均與同治三年原定條約相符業已繪圖換約辦

理尚為妥速。惟現在塔城未復。附近地方別無臺卡。此次立界之後。俄人能否常守條約。不復侵占內地。仍當隨時偵察。以保無虞。卽著福濟等按照奎昌所擬。咨會霍博克賽里之土爾扈特親王策林喇普坦。扎薩克拉特那巴扎爾。圖布欣克什克三旗。轉飭各該旗官弁。隨時留心稽查。如俄人因歷時已久。復有侵占情事。卽行知會福濟等。隨時與之理論。竭力攔阻。不得因循廢弛。俟塔城克復。仍照舊章。兩國派員會查。以符定制。將此由六百里各諭令知之。○句到福建。四川廣東廣西情實罪犯。停決四川斬犯八人。絞犯一人。餘三十人予句。○戊子。以神靈顯應。加廣東高要縣太保神封號曰

感佑。○諭軍機大臣等。前因英桂奏請飭催巡撫赴任。當經降旨令王凱泰卽赴福建新任。毋庸來京請訓。茲據瑞麟等奏。廣東奏銷緊要。請暫留王凱泰經理。並請飭新任藩司赴粵等語。卽著英桂飭令鄧廷枏兼程馳赴廣東。接受藩篆。毋庸來京請訓。鄧廷枏到後。卽由瑞麟等知照王凱泰迅赴新任。以重職守。將此各諭令知之。○賞普濟堂功德林。煮賑小米八百石。○乙丑。以鑲黃旗漢軍都統春佑署正黃旗領侍衛內大臣。鑲紅旗漢軍都統奕劻署鑲藍旗漢軍都統。○以甘肅克復肅州城出力。予總兵官楊作霖。張慶雲。以提督簡放。賞副將譚致祥。參將戴位聲。陳慶福。遊擊陳友交。陳元夢。

寶鑑卷三十九
巴圖魯名號都司周友元等花翎。在籍郎中李煥章等藍翎。餘加銜升敘有差。○予甘肅山丹等處陣亡總兵官許吉祥等六十三員祭葬世職加等。○句到奉天。湖廣陝西情實罪犯。停決奉天斬犯一人。餘四十九人予句。○庚寅。孝慈高皇后忌辰。遣官祭。

福陵。○諭內閣英桂奏請將損壞戰船就地變價。並援案賠補一摺。據稱閩省成造金州七號戰船。因在山東停泊兩年之久。船身柁木諸多損壞。請即在東省變價。由閩另行補造新船等語。著丁寶楨飭令該管地方官會同閩省委員傳紀確估。即將船隻變價。並將陳期登於審擬定案後。派員一併解

閩。其不敷價貼銀兩。即著英桂勒限嚴追。不准稍有拖欠。○諭軍機大臣等。單懋謙奏詳陳。

水陵西堡泊岸情形一摺。據稱成案土隄作法。用荆圍盛碎石。排列河干。以木椿撐柱。上築灰土。背築素土。藉以抵禦河流。近來蘇子河水漲時。大溜直趨北岸。因椿難資抵禦。且恐河身日高。衝刷更甚。若仍照土隄作法修理。無益久遠。查西堡迤西泊岸。向用石工成造。堅實耐久。至今完整。請仿照辦理等語。近年蘇子河屢次水漲。衝刷泊岸。自應妥籌修理之法。以期堅實。著阜保按照所奏各節。詳細查勘。斟酌情形。奏明辦理。該尚書所稱西堡。

陵街。先行酌加柴埽以資保護之處。並著一併查明具奏。原摺著鈔給閱看。將此諭令知之。○又諭。魁玉。張之萬。奏請將疏防督臣被刺之中軍等官先行懲處。張之萬。奏會審兇犯張汶。詳情形各一摺。馬新貽被刺重案。疊經降旨令魁玉。張之萬。將兇犯張汶詳悉心研訊。究出確情。茲據奏稱連日熬審。該犯堅不吐實。現在設法研訊等語。張汶詳係亡命兇徒。啓不畏死。必須嚴切推究。訊出實供。方足以申國法。不得稍涉含糊。時金彪及湖州府新市鎮之軍犯。計可陸續解到。魁玉等務飭承審各官分別研究。毋任狡展。副將喻吉三等。於該督被刺時毫無防範。俱有應得之咎。署督標中軍副將喻吉

三。武巡捕都司葉化龍。把總唐得金。差弁守備方秉仁。劉雲青。把總朱信忠。武生潮枝桂。千總費善樂。馬兵冉雄彪。王長發。將金鼈。均著先行解任提訊。定案後再行分別定擬具奏。將此由五百里各諭令知之。○又諭。魁玉。張之萬。奏漕船渡黃淺阻八里廟。設法開濬一摺。據稱江北試運漕船。於八月初三日全抵東境八里廟。因伏汛日漸消耗。荆門至七級。水止數寸。淺阻未能浮送。漕船守候二十餘日。水迄未長。現經江安糧道王大經會商運河道王化堂督同管河府廳縣。設法挖淺過剝。引水灌塘。於八月二十日興工辦理等語。漕船守候河干。亟宜設法挑濬。接運前行。卽著魁玉。張之萬。督

飭江安糧道趕緊會辦以利漕行。並著蘇廷魁、丁寶楨、檄飭運河道督率管河府廳縣實力興辦。相機疏濬。設法浮送前進。毋誤倉儲。將此由四百里各諭令知之。○又諭英桂、沈葆楨奏酌保水師人才開單呈覽一摺。輪船現既次第告成。必須有長於海戰熟於駕駛及諳習沙綫風雲通曉輪機之人。方足以資得力。茲據英桂等酌保總兵黃聯開等七員。及遊擊貝錦泉一員。以備擢用。並將把總吳錫章一員。及都司吳世忠等十六員。分別請獎。均著照所請給予獎勵。該員等尚未著有勞績。此次破格給獎。藉資觀感。英桂、沈葆楨務當督飭各該員等實力講求。以資驅策。國家不惜數百萬帑金。創

製輪船。原以籌備海防。期於緩急足恃。現在已成之船。必須責成李成謀督率各員弁駕駛出洋。認真操練。技藝愈精。膽氣愈壯。方足備禦侮折衝之用。至所稱揀調弁兵分配輪船。常川訓練之處。卽著會議章程。迅速具奏。需用槍礮等件。亦當悉心講究。認真製造備用。英桂另片奏保總兵張其光等二員。已交軍機處與黃聯開等一併存記矣。將此各諭令知之。○

上以孟冬時享

太廟。自是日始齋戒三日。○辛卯。諭軍機大臣等。前因天津民教啟釁。疊諭沿江沿海各省督撫嚴密設防。現在天津一案。

業已辦理就緒。亦以時事多艱。不得不將就完案。以弭釁端。不可因此案完竣。卽置防務於不問也。近來內外臣工。往往遇事機危急。非不盡心竭力。以期共挽時艱。而泄沓成風。未事之先。於一切戰守章程。類皆紙上空談。以致遇有緩急。毫不足恃。迨事過之後。則又因禍患已平。苟且因循。為目前偷安之計。事事有名無實。何時可冀自強耶。朝廷宵旰焦勞。隱憂彌切。著沿江沿海各省將軍督撫大臣。振刷精神。將戰守機宜。認真講求。以備不虞。至各省武備廢弛已極。綠營習氣尤深。並著各將軍督撫大臣。破除情面。認真整頓。以期一兵得一兵之用。經此次訓諭後。務當實事求是。嚴密設防。毋再

視為具文。至各省民教交涉事件。亦應處處持平。不可專顧一面。若地方官操縱合宜。剛柔互濟。自可消患未形。著各直省將軍督撫府尹。於所屬州縣地方官。務須選擇有風骨。而又通曉時務之員。遇教士非分之求。不得曲為遷就。遇條約應辦之事。亦當妥為撫綏。庶中外相信。不至再滋事端。將此各諭令知之。○又諭左宗棠奏官軍攻破金積東關賊巢。連克寨壘。獲勝一摺。金積堡踞匪。於本年七月以來。經左宗棠飭令劉錦棠等分路進攻。次第克復。西南西北東西賊寨。並將金積堡東關攻破。中路雷正綰等軍進勦西路賊匪。立將洪樂堡攻克。該逆悉敗。退金積堡。著左宗棠飭令提督王行

慶會同劉錦棠黃鼎各軍乘勝進攻。迅速收復金積堡。務將
竄踞賊匪悉數殲除。不得久稽時日。另片奏石城器裹眾潛
逃。畏罪自斃。實足以昭顯戮。在逃之翟占沅等。係首先倡亂
之犯。該大臣務當飭令西路各軍及地方州縣嚴行緝拏。務
獲懲辦。毋任漏網。其管帶各員。是否防範不力。並著查明分
別辦理。唐有彥所部潰卒。務飭黃武賢妥為安撫。涼州永昌
未潰之勇。左宗棠已令蕭宗幹等裁併實數。統歸王仁和鈐
制。卽著擇要分紮。毋令滋生事端。將此由六百里諭令知之。
○賞甘肅軍營病故提督黃萬友正一品封典。予祭葬卹廕
加等。諡果毅。附祀提督劉松山專祠。○予甘肅金積堡等處

陣亡總兵官趙昌元等二十六員祭葬世職加等。○予甘肅
涼州被戕都司張學祭葬世職加等。○壬辰。

孝敬憲皇后忌辰。遣官祭

泰陵。○

上以孟冬時享

太廟。前期親詣行禮。○以神靈顯應。加湖北麻城縣五腦山土
主神封號曰靈感。○諭內閣。前因麟書奏盛京戶部員外郎
恩慶。因承審張成武謙爭地一案。六品官紹德藉端尋釁。將
該員毆傷。並向委六品官玉和肆詈。隨後該員等互相稟訴
各情。當經諭令將該員等分別革職解任。交都興阿會同盛

京刑部研訊確情。定擬具奏。茲據都興阿等奏稱。訊明紹德在署揪毆一節。眾供皆同。張成武謙亦供是日晝供時。紹德從旁嚇禁。並有受賄捏報情事。至紹德所稟玉和等謀缺各節。多有牽混影射之詞。所稟恩慶折徵加倍一節。恩慶供稱並無其事。張成武謙原卷情節亦多有不符。現在行查盛京戶部。有無折徵告徵情事。並請將紹德刑訊等語。此案眾供已得大概。紹德當堂揪毆。顯係迴護原審啟釁。亟須確切訊明。以期水落石出。著都興阿等即將革員紹德用刑質訊。務得實情。毋任飾詞避就。○又諭麟書等奏會審案件。原告京控牽涉承審司員。請添派將軍府尹會審一摺。旗兵達啟呈

控承德縣刑書黃煜。賄保盜犯張希城一案。前經降旨派令麟書會同瑞聯嚴行審訊。茲據奏稱達啟之母白王氏。復以刑部司員與會審各員將伊子提案熬審偏供。並不根究縱盜重情等詞。赴京控訴等語。案關牽涉司員濫刑偏供。亟應徹底根究。卽著添派都興阿。恩錫會同麟書等嚴審。飭屬將此案要證瑞凱及門丁李宜齊卽李文彩等勒緝務獲究辦。並將前署承德縣知縣馮繼堯一併提省歸案質訊。以期水落石出。毋任狡展。○又諭前因浙江温州玉環營參將鄭鴻章與署守備張省機等以貼費攤扣各情互相稟訴。經李瀚章等奏參。將鄭鴻章摘去頂帶。張省機李如標暫行革職。與

把總林嘉源等一併解任審辦。茲據楊昌濬奏審明各情。分別擬議等語。此案玉環營把總張省機於署守備任內。借餉製辦號衣。多開價值。訊因物料昂貴所致。其將議裁未撤兵丁。應給餉銀。誤作截曠。扣存不發。亦據造冊移交。尚無浮冒侵蝕情弊。惟既經鄭鴻章飭屬查明揭參。自應聽候查辦。乃以屬弁林嘉源等覈覆不公等情。率行稟揭。已屬不安本分。其與署守備李如標會稟參將衙門各項陋習。並未確切查明。輒以奉文整頓營規。稟請飭禁。難保非意存挾制。自應嚴行懲辦。暫革前署玉環右營守備頭司把總張省機。暫革前署玉環左營守備右營千總李如標。均著卽行革職。不准開

復。張省機種種任性。尤為乖謬。並著永不敘用。玉環營參將鄭鴻章被張省機等稟訐各款。經該撫逐款訊明。尚無情弊。惟減兵募勇。事涉更張。先未稟報有案。亦有應得之咎。鄭鴻章著給還頂帶。飭回本任。仍交部議處。把總林嘉源傳長瑞。覈覆並無不公。亦無挾嫌串誣情事。著無庸議。○諭軍機大臣等。前任直隸提督劉銘傳。治軍有律。疊著戰功。此次一聞宣召。卽日兼程北來。其忠勇報國之忱。尤堪嘉尚。現在津案已結。無須用武。該提督年力正強。豈可令其投閒置散。因思李鴻章赴直時。已率郭松林、周盛傳所部全軍東來。僅留譚仁芳五營駐紮西安。此時甘軍勦匪。正當喫緊。陝省兵力空

虛。深虞該匪竄突。若令劉銘傳督辦陝西軍務。振旅西征。不特陝境可得安全。卽甘軍亦可免後顧之慮。似於大局較有裨益。至楚軍與淮軍。雖向不相習。而陝事甘事。各有責成。料不敢各存意見也。著李鴻章斟酌機宜。據實覆奏。如劉銘傳於西事不甚相宜。或於他省軍務可期辦理有效之處。亦著妥籌具奏。該提督已於昨日召見。俟李鴻章覆奏到日。卽可明降諭旨。其駐紮滄州及丁壽昌所帶銘軍。已有一萬餘人。加以駐紮直隸邊境之周盛傳郭松林等軍。亦有一萬數千人。兵數實不為少。以有用之兵。置之無事之地。徒耗餉需。若以百戰勁卒。遽予裁撤。亦屬可惜。著李鴻章通籌全局。或酌

留直隸若干。以資拱衛。或撥給劉銘傳若干。以資勦賊。其餘各營。應如何分地布置之處。並著悉心籌畫。迅速具奏。將此諭令知之。○又諭據禮部奏。接准盛京禮部送到朝鮮國王咨文。內稱該國慶源府農圃社居民李東吉。逃往琿春地方。蓋屋墾田。嘯聚無賴。該國民口。時有犯越。皆李東吉招誘所致。琿春人與之慣熟。不肯舉發。籲懇查拏等語。朝鮮匪徒潛入關隘。沿邊官吏。卽應如數查拏。今李東吉潛住琿春。招引該國民人逃越內地。豈可任其溷跡。毫無見聞。著毓福密飭琿春協領等。確查該國匪犯。如在所屬境內潛匿。卽行購線躡緝。務將朝鮮匪犯李東吉等盡數拏獲。解交該國懲治。奕

實錄卷之九十一
榕抵署任後。並著會同毓福飭屬隨時稽查。毋任匪徒再行逃匿。以肅邊防。此次朝鮮逃越人犯。已諭令吉林將軍等嚴拏解交。著禮部行知該國王遵照辦理。將此諭知禮部。並諭令奕榕。毓福知之。○予江蘇故雲貴總督潘鐸入祀鄉賢祠。從巡撫丁日昌請也。

大清穆宗繼天開運受中居正保大定功聖智誠孝信敏恭寬毅皇帝實錄卷之二百九十一

